

Zeitschrift: Nebelspalter : das Humor- und Satire-Magazin
Band: 86 (1960)
Heft: 12

Illustration: Hygiene im Schtall
Autor: Sigg, Hans

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 31.03.2026

ETH-Bibliothek Zürich, E-Periodica, <https://www.e-periodica.ch>



Hygiene im Schtall

Am Hitsch



si Meinig

Im Khantoon Zürri dunna, gnauer in da Gmainda Hedinga, Affoltara und Huusa am Albis, sind viar Sekhunderlehrer awägg gwäält worda. Im Khantoon Zürri ischas asoo, daß dLehrer vum Volkh gwäält wärdand. Alli sex Joor müassand dSchualmaischar beschttäitigt wärda, au widarumm vum Volkh. Am Taag vor denna Waala hend a paar obarmiisli Vöögal uss denna drej Gmainda Hetzpletter gäga dia viar Sekhunderlehrer loosgloo. Darbej hend alli viar Lehrer vu da Schualpfläga dia beschta Zügnis uusgschtellt khriagt. Iarni Schualfüarig isch khompleet in dar Ortnigg gsii – abar, sii hend a Khapitaal-Varbrähha beganga: Sii hend tummi Goofa vu «bessara» Lütt nitt in dSekhundarschual uufgnoo! Und drum

sind dia bessara Lütt gganga, hend dia Hetz loosgloo und dia viar Lehrer sind uff d Schtrooß ussagschtellt worda. Dia gliihha Lappi, äh Lütt, hend denn noch dar Waal ärkhläart: Miar hend üüsari Lehrer gäär nitt wella awägg wääla, miar hend na nu wella a Tenkhzättal ggee! (Nitt gad gschiid, eehendar blööd.)

Sölland dLehrer hütt no durr zVolkh gwäält wärda? In da grooßa Gmainda und in da Schtädt khennt nemmli dar Schtimmbürger nu weenig Lehrer, won är wääla oder beschttäitiga sötti, pärsöönli. Är muuß sich uf dSchualpflägg varloo. Also – khönnti ma säaga – söll gad dSchualpflägg allai wääla und beschttäitiga. Well abar dSchualpfläga politisch zemmagesetzt sind, so wääri dGfoor grooß, daß bei da Lehrerwaala zeersch druuf gluagat wird, in wellara Parteij dar Khandidaat isch und siini Fähigkhaita dia zwait Rolla schpiiland. Drumm also demokhraati-

schii Volkhsaal. Daß darbej a Tail Schtimmbürger tünmar als tumm tua khönnand, müassand miar halt in Khauf nee. Hoffand miar, dia Wäggwaala vu denna viar Lehrer wärdand am ainta und andara Bürger a guati Lehr sii, daß mit am Schtimmrächt nitt darf Schindluadarej tribba wärda.

Sihhar wärdand a paar Zürhhar Gmainda froo sii, wenna aina vu denna viar Sekhunderlehrer khriagand und jeeda Lehrer wird drejmool überlegga, bevor är sich noch Affoltara, Hedinga oder Huusa mälda tuat. Laid tüand aim natüürli dSchualargoofa, wo sich säaga müassand: Üüsari schwachbegabta Vättar und Schtimmbürger hend üüs üüsari Lehrer ewägg ggno!

PS. Im aalta Room isch zVolkh zfridda gsii und hätt gmacht, was dar Khaisar hätt wella, wenn darsäbb Brot und Schpiil glifarät hätt. Im modärna Hedinga hätt Schtimmbürger, wo dan aigana Goofa dLehrer awägg wääland, wenn inna vuma Wirt Wurscht und Piar varschprohha wird. Piar, nitt Lindablütatee

Für den eiligen Geschäftsmann
unser rascher TELLER-SERVICE

Braustube Hürlimann

Bahnhofplatz, Zürich



Bezugsquellennachweis: E. Schlatter, Neuchâtel

